



TRANSPARENCY INTERNATIONAL BOSNA I HERCEGOVINA

Udruženje za borbu protiv korupcije Transparency International u BiH
Broj registra u Ministarstvu pravde BiH: UP08-07-1-616/11

Udruženje za borbu protiv korupcije
Transparency International u BiH
Sjedište:
Adresa: Gajeva 2, 78000 Banja Luka
Fax: 051 216 369;
Tel: 051 216 928; 051 224 520; 224 521

Kancelarija u Sarajevu:
Mehmed-bega Kapetanovića Ljubušaka 4,
71000 Sarajevo
Tel/Fax: 033 220 049

Web: www.ti-bih.org
E-mail: center@ti-bih.org

Datum: 24.11.2016.
Broj: 02-04 (3176)

Ministarstvo pravde Bosne i Hercegovine
Upravni inspektorat
Trg Bosne i Hercegovine 1
71000 Sarajevo

PREDMET: INFORMACIJA, dostavlja se

Poštovani,

Transparency International u BiH (TI BiH) je u svom dopisu od 05.10.2016.g. podnio zahtjev za pristup informacijama Elektroprenosu-Elektroprijenosu a.d. Banjaluka tražeći informaciju da li je Sanja Radojičić njihova uposlenica, te ako jeste, na koji način je zasnovala radni odnos.

Kako Elektroprenos-Elektroprijenos a.d. Banjaluka u svom odgovoru nije dostavio informaciju u cijelosti TI BiH je izjavio žalbu poslije koje je tražena informacija konačno dostavljena u Rješenju po žalbi broj: 05-12017/2016 od 22.11.2016. g. (u prilogu). Prema odgovoru iz odnosnog Rješenja „*Sanja Radojičić je zaposlena u Elektroprenosu-Elektroprijenosu a.d. Banjaluka po osnovu Sporazuma o preuzimanju /raspoređivanju zaključenog između Ministarstva finansija Republike Srpske i Elektroprenos-Elektroprijenos a.d. Banjaluka*“.

Zakon o radu u institucijama Bosne i Hercegovine u članu 9. stavu 1. tački b) predviđa da se javni oglas ne raspisuje za zaposlenika koji se na osnovu pismenog sporazuma poslodavaca i uz saglasnost zaposlenika raspoređuje na rad kod drugog poslodavca. Dakle, Zakon predviđa mogućnost da se bez javnog oglasa i na osnovu sporazuma između poslodavaca zasnuje radni odnos, ali u članu 2. stavu 1. pod tačkom a) gdje se navodi značenje osnovnih zaonskih izraza navodi se da se pod poslodavcem smatraju - institucije Bosne i Hercegovine i njeni organi i druga pravna lica i druge institucije navedene u članu 1. stavu 2. ovog zakona, koje zapošljavaju određeno lice na osnovu ugovora o radu. U članu 1. stavu 2. pak stoji da se ovim zakonom regulira radni odnos:

- a) zaposlenika u institucijama Bosne i Hercegovine i njenim organima koji nisu državni službenici;
- b) zaposlenika u institucijama Bosne i Hercegovine koji su izričito izuzeti iz Zakona o državnoj službi u institucijama Bosne i Hercegovine ("Službeni glasnik BiH", broj 19/02 i 35/03);

c) zaposlenika koji su zaposleni u javnim preduzećima Bosne i Hercegovine, pravnim subjektima koje osnivaju institucije Bosne i Hercegovine, udruženjima i fondacijama Bosne i Hercegovine, međuentitetskim korporacijama i drugim institucijama za obavljanje dodatnih nadležnosti u Bosni i Hercegovini, ako drugim zakonom nije drugačije određeno.

Iz citiranih zakonskih formulacija je očigledno da Ministarstvo finansija Republike Srpske, sa kojim je Elektroprenos-Elektroprijenos a.d. Banjaluka zaključio Sporazum o preuzimanju/raspoređivanju ne potpada pod poslodavce na način kako je to predviđeno Zakonom o radu u institucijama BiH, odnosno sa istim Ministarstvom **nije bilo dopušteno zaključiti odnosni Sporazum** jer se ne ubraja u institucije Bosne i Hercegovine, njeni organi i druga pravna lica, ali niti u druge institucije navedene u članu 1. stavu 2. predmetnog Zakona, te je na taj način Sanja Radojičić na nezakonit način zasnovala radni odnos Sporazumom za koji ne postoji zakonsko utemeljenje.

Uzimajući u obzir članove 98. i 100. Zakona o radu u institucijama BiH dostavljamo Vam informaciju na daljnje postupanje, te Vas molimo da nas o svim mjerama i aktivnostima koje budete preduzimali obavijestite, kao i da nam po izvršenom pregledu dostavite kopiju zapisnika.

Zamolili bismo Vas da nam sve daljnje informacije dostavite na adresu Gajeva 2, 78 000 Banjaluka.

Prilog:

1. Rješenje Elektroprenosa-Elektroprijenosa a.d. Banjaluka broj: 05-12017/2016 od 22.11.2016. g

S poštovanjem,



Lejla Ibranović
Izvršni direktor
Transparency International BiH

